



Diario



pa Aruba



Instala Aireacon-
dicionado na bo
cas AWOR!



Tel. 2170

ANJA 22

DIASABRA 17 DI SEPTEMBER 1960

Nr. 3840

**CUMINZA
GANA
PLACA
AWE MES!**

**DEPOSITA Fls. 390,- y RICIBI BACK Fls. 500,- of
DEPOSITA Fls. 3.900,- y RICIBI BACK Fls. 5.000,-**

PA MAS INFORMACION ACUDI NA LA ESPERANZA
OF JAMA TELEFOON: 5201 - 5191

HULANDA LO NO HACI 'PASONAN NOBO' DURANTE SESION DI N. U.

DEN HAAG — Noticianan di prensa ta bisa cu ministro Luns di Hulanda a declara na su jagada na Merca durante un entrevista, cu e no tin intencion di discuti Nueva Guinea Hulandes den asamblea general di N.U. El a bisa cu Hulanda a priminti Nueva Guinea solememente cu lo e dunela derecho di autodeterminacion riba un fecha, cu lo worde determina.

Ministro Luns a bisa cu Hulanda ta traha duru pa forma un cuadro di lidernan intelectual di Nueva Guinea. Un programa educativo a cuminsa caba. E ministro a repiti cu lo e tene discusionnan privada cu su colega, cu ta interesa den e asunto, manera customper.

Ta trata particularmente di ministro nan mericano y australiano y e secretario-general di Naciones Unis. Hulanda lo no haci "pasonan nobo" den ningun caso durante e proximo sesion di Asamblea General.

Ajera ministro Luns a discuti problema internacional cu funcionario nan haltu di ministerio mericano di asuntunan exterior, na Washington.

Awe ministro Luns lo tin un encuentro cu e vice-ministro mericano di asuntunan economico y politico, esta Dillon y Merchant.

E ministro di asuntunan exterior, Herter, ta na Mexico actualmente.



Daminee Visser, cu camisa blanco na drechi, huntu cu e mariniers orgulloso y nan tras e dos tribonan na e haak.

Den un ora y mei:

**Ds. Visser y binti mariniers
a likida dos tribon**

ORANJESTAD. — E binti mariniers nan diahuebs atardi a usa un di trucknan di servicio pa transporta dos papa tribon cu huntu cu dominee J. Visser nan a logra den un lucha duro trece riba tera na Boca Mahos.

Nan no a spanta pa e aviso den nos edicion di diamars encunanto un tribon cu ta circula na Grapicel. Pa cual'or diahuebs atardi e binti mariniers aki, hau direccion di e dominee y sergeant G.T. Cornelissen, tabata para canto di awa ta tira tinja.


Ta di gradici cu nan tabata cu asina tanto herida cu nan por a logra flastra e animalnan trece ariha. A parce un momento cu tabatin un apesto di hafa cahuya di 21 contra un.

Y e hombernan a logra sali victoriosos for di e den e lucha aki den un hora y mei nan tabatin dos di papanan aki riba tera. Nochi a cuminsa cai y nan a dicidi na stop y trece e dos tribonan pa abattoir. E dos animalnan, uno di 1 meter y mei y e otro di dos meter a pisa respectivamente 85 y 100 kilo y tabata cologa

na dos haak. Publico no a laga di muestra nan presencia pa e dos tribonan cu den curso di ayera a worde reparti entre varios familia, cu no a laga di traha un heu wea di croketchi di triha. E higa di e dos animalnan segun nos a worde informa lo keda na abattoir pa traha zeta di higa.

Hubileo di Plata di pastoor Standenmeijer

SAVANETA — Cu un misa solem, un procesion cu flam-bew di e clubnan y presentacion di un regalo, diadomingo anochi e hubileo di plata di pastoor Standenmeijer lo worde celebra den su parokia na Savaneta.



Pastoor J.L. Standenmeijer

Majan, 18 di september, ta net 25 anja pasa cu pastoor J.L. Standenmeijer a ricibi su orden sacerdotal na Huissen, Hulanda. Parokia di Savaneta a instala un comite pa organisa celebracion dje hecho aki. E comite ta bou direccion di sres. J. de Kort, presidente; A.G. Reeder, secretario; y Christiaan, tesoro. Tur e clubnan juvenil di parokia, padvinderen di St. Hyacinthusgroep, Jean d'Arcgroep, La Fama, Commandeurs

PATRICIA MARAND CAN- CIONISTA DI KL. KLUB

ORANJESTAD. — Patricia Marand na e momento aki ta tene e bishitante nan di Klompen Klub ocupa cu su voz. E siman aki el a cuminsa cu su actuacionnan y ta keda te dialuna 26 september.

E di dos parti di e show ta worde jena door di un pareha Spanjo di balle flamenco, Emilia y Antonio. Nan lo keda un tres siman mas.

Den Ball Bar "The Franklins" a prolonga nan actuacion un noticia cu lo alegra hopi. Nan lo keda awor te 8 di oktober.

ELMAR TA ORGANISA STERRIT NA BENEFICIO DI ST. MAARTEN

ORANJESTAD — Diasabra 5 di november Elmar den su cumpleaños lo organisa un autosterit. Beneficio di e sterit aki lo worde entrega den su henter na e Hulpcomite St. Maarten.

E sterit ta worde ofreci door di e N.V. Electriciteitsmaatschappij "Aruba" den cuadro di e festividadnan di su decimo aniversario. Detallenan mas completo ta worde traha na e momento aki. Awor eaba ta sigur cu e start lo ta na e central na Balashi y e final na Basiluti. Despues di e rit e participantenan por bai baila. Elmar lo zorg pa un gran surtido di premionan atractivo. For di awor eaba kaerhinan ta obtenible na e kantoor di Elmar y serea srs. G. C. van de Bosch (Spaans Lagoen), J. Geurtsen, Verbindingsweg 1 y M. Daal, Boerhaavestraat 15.

SRTA. PEREZ A SLAAG PA VERPLEEGSTER

ORANJESTAD. — Famia Perez di Nassaustraat 30 a hanja noticia ayera cu nan jiu muher Rosita a pasa cu bon resultado examen di promer anja pa e curso di verpleegster di St. Lamherthus Ziekenhuis na Helmond, Hulanda. Rosita Perez a traha antes na San Pedro hospital y tin un anja na Hulanda.



Cuater luna pa barbero y limpiabotas

Hortamento di herment, gasolin y tas cu contenido

ORANJESTAD — E colombiano C.C. di 38 anja biba na Madiki kier a introduci un ofishi nobo acerca di e dosnan cu e ta haci caba. Parce cu trahamento riba waaf y barbero den aire liber no tabata trece mucho entrada. Talvez pa e motibo aki el a dicidi tambe di join e profesion nobo riba nos isla: limpiabotas. Esnan cu a pasa dasabra atardi den caja grandi por a mirele dilanti La Linda ta "shine" sapato di e diferente clientenan.

E djob nobo aki sin embargo no a dura mucho, polis a cai aden. Pa traha e caha den cual mester hini e skeiro polish, panja etc. C. tabatin mester di algun herment. El a dicidi e hora ey di lip un saco conteniendo algun herment cu el a hanja na unda tabatin algun hende ta haci trahamnan di construccion na La Linda. C. a haci su mes donjo ilegalmente di e cosnan aki y pesey mester a presenta pa tende castigo.

"Kiko ho kier a haci cu e hermentnan aki", mr. J.V.M. Koot a puntra. "Pa traha un cahita pa warda e cosnan di trabau cu un limpiabotas mester" C. a contesta hizando su loma manera nada a pasa.

Huez: "Y pa esaki ho mester un jahi ingles tambe?" (den e saco tabatin tambe ademais di e jahi, un zaag, martieuw, clabho, waterpas, etc.)

Acusado: "Mi no a mira e jahi, e tabata den e saco di clabho".

"Bo sa com saiz curpa", mr. Van Koot, kende a kere cu sigur C. lo a para na e pregunta aki, a bisa.

Mr. J.V.M. Koot a haci e observacion cu algun dia promer tambe acusado a horta un saco cu panja di muher

for di un restaurant y cu ta pertenecer na un tal Leonora.

Aki C. a conta huez cu e era menciona a garije y cu el a coge e saco pero cu intencion di trecele hek.

Como cu no ta promer bishia cu acusado a hanjele den sorto di cosnan asina y cu awor a jega momento pa e cuminsa sinti, fiscal mr. F.C. Flick a demanda 6 luna den Dakota y cu esaki lo socede inmediatamente.

E huez cu a hanja cu acusado mester sinja tene su dedenan na cas a sentencia pa 4 luna di castigo kitando voorarrest for di 12 september p.p.

FATUM — Tel.: 1845
Pa tur bo aseguranon

Victima dje accidente di diarazon TH. MEIJERING A MURI

ORANJESTAD. — Den San Pedro hospital a fallece ayera taril entre 3.30 pa 4.00 sr. Theodorus Meijering na edad di 32 anja, (hulandes di nacimiento) den bida maestro di scol na Filomena College na San Nicolas.

Manera nos lectornan por corita e difunto tabata chofor di un di e auto nan cu a choka asina fuerte diarazon atardi na Savaneta, y cual choko a laga cinco hende herida arias.

Despues cu diarazon atardi nan a trecele hospital alida na conocimiento na a dura mucho cu el a bal for di dje te na momento di su morto. E difunto, cu tin un jiu muher tambe den estado grave, a worde opera dos hiza pa dr. A.J.C. Hazenberg promer di a pasa pa eternidad.

**DIRECTIVA NOBO DI CLUB
DI ISLA RIBA FRANCES**

SAN NICOLAS. — French Windward Islands Welfare Association a

BUY OF A LIFETIME!

ONLY f 40.—
down-payment

FOR THIS 1960

**12 CU.
FT.**

KELVINATOR



70-lb. Frozen Storage

f 40.— MONTHLY

Palais Royal Aruba N.V.

hanja un reorganizacion y a scoge un directiva nobo cu tin e siguiente alineacion:

E.V. Emmanuel, presidente. R. Lake, secretario. C. Peterson, segundo secretario. J. Hidge, tesoro. sra. E. Arrindel, segundo tesoro. y L.J. James, advisor juridico. Ademas tin puesto como miembronan di comite e damasnaq E. Foutina, B. Canoegeier, M. Hollen. Lampe y R. James y e caballeroan F. Cariv, N. Ettienne, D. Peterson y R.J. Holly.

REY BOUDEWIJN A COMPROMETE CU PRINSES SPANJO



Rey Boudewijn

BRUSSEL 16 september. — Awe a worde anuncia oficialmente na Belgica, cu rey Boudewijn dje pais ey a compromete cu e prinses spanjo Fabiola de Mora y Aragon. E fecha di nan matrimonio no ta conoci, pero bon luentenan a informa cu lo e tuma luga e anja aki mes.

E prinses, kende ta keda na palacio di Laeken, residencia dje rey belga, cu su mama, no ta masha conoci na Belgica. E ta miembro di "High Society" di Madrid. Su tata, Don Gonzalo de Mora y Fernandez, conde di Mora y Marques di Casa Reina, a muri como un anja pasa. Su mama ta Doña Blanca de Aragon. Hopi miembro di familia dje prinses ta traha riba tereno di diplomacia di Spanja. Parce cu prinses Fabiola ta mes edad cu su novio, kende a cumpli su di 30 cumpleaños anja pasa.

Enter Belgica a ricibi e noticia tocante e compromiso cu gran satisfaccion. E anuncio oficial a pone un fin tambe na e rumores, cu tabata circula na Paisnan extranhero, segun cual Boudewijn, e ultimo rey catolico den mundo, kier bira miembro dje orden di Trappisten.



full of life

Happiness and vitality during baby's early days are founded upon a sound milk diet. In the absence of baby's natural diet, breast milk, Lactogen is a most suitable alternative.

Lactogen is an all cow's milk formula plus vitamins A and D and iron.

thanks to

LACTOGEN



Prepared by Nestlé's especially for infant feeding

Castigo condicional pa acusado cu no sa pakiko a dal Francisco Tromp mata

Evictima su adernan di cabez tabata swak

ORANJESTAD — Nan no a laga hopi dia pasa pa trece acusado I.Y. di 25 anja dilanti huez. E tabata sufi terribel den prison for di e momento cu polisnan a bisele cu e golpi di cabez cu el a proporcione a anciano Francisco Tromp diadomingo pasa a resulta fatal. E adernan di cabez di e victima a rebenta door di e golpi aki y el a muri a consecuencia di esaki.

Ayera en un curpa dobla han di e peso di e tanto impresion cu e suceso a haci riba dje, acusado a tende en nan no a hantje culpable. Flanke na bira di dos miembro di famia nan a libele cas, despues en huez a cabu di duna sentencia.

E golpi fatal

En corte huez mr. J.V.M. van Koot a repasa pa acusado e historia tristo di diadomingo pasa. For di tempran caba e di ey acusado a sali caha huntu cu un amigo M.K.

For di su cas na Matadera. Dia e auto dea cual nan tabata corre nan a hiba un botter di behida sterki tambe como companje.

Bitter no a keda sin cai y e auto a hiba nan te na un pic-nic. Parti atardi nan a bolhe y a bishita cas di e victima na Matadera na unda paca el a pidi e sra. di e victima fiele cen. Pero for di e momento aki, segun el a declara ayera mainta, acu-

sado no ta corda nada mas. Algo cu e ta corda si ta cu el a hanja fls. 5.— for di e senjora pa compra cuminda. y cu el a dal e victima tras di su cabez.

„Pakiko mi a dalé si mi no sabi“, tabata un di e poco palabranan cu acusado a saka, mientras cu e tabata muestra claramente senjaldan di un hende cu a perde sonjo y cu tin algo pisa ta traha riba dje.

E huez a sigi repasa com ora cu e biguw (difunto) Francisco Jose Tromp di 60 anja, cu tabata drumi te na e momento ey, a canja drenta y suplica acusado pa mihor e bai pa motibo di ta vervelo y di ta expresa algun palabranan mecos atehi.

Esaki tabata e momento, segun e sra. y jiu muher di acusado a declara, cu e acusado a hanta rana dal e biguw un mikete tras di cabez, cu mesora a mandele suelo for di tje. „Mi tabata burachi y no sabi si mi a pone hopi forza tras di e mikete“, acusado a balhe bisa. Tampoco e ta corda di a papia cu e sra. tocante un pleito cu e tabata na pie-nic.

Victima tabata un hombre delicado

Premier di a pidi castigo pa I.Y. fiscal mr. F.C. Flik a trece padilanti algun punitiva hopi importante for di rapport di e dokter cu a sancina e victima despues di su morto.

E difunto na e edad avanza aki tabatin karki den su ader nan di cu-

bez y cu e nias minimo violencio cu nan hanja nan la rebenta.

Esaki tabata e desgracia (y mala suerte) di e acusado. El a dal e victima e mikete net na su cabez, loke a haci cu e adernan a rebenta causandendo asina un derrame di sanger den seso di e difunto. E fiscal a hanja cu a keda comproba maltrato cu morto como consecuencia. Apesar cu golpi di un hende burachi (drunkenness) no ta dal asina duro tog e biaha aki e tabata fatal. Siguiendo cu e rapport di dokter mr. F.C. Flik ta hanja cu tin e posibilidad cu niaske no usa mucho violencio tog por socode cu e acusado por spera e hora fatal un momento pa otro. E fiscal a jama esaki un maltrato insignificante y a hanja cu no por papi di intento.

Pa loke ta trata di e castigo mr. Flik ta hanja cu O.M. no por castiga acusado mas severo di loke e mes a castiga su culpa eha. Impresion di e suceso aki a keda traha riba acusado y un dia pimer di tratamiento di e caso durante un verhoor, acusado tabata declara cu masha trabu y cada bez tabata cu den joramento duro, loke a demostra claramente cuanto efecto morto di e difunto y hisinja a haci riba dje.

Teniendo cuenta cu tur e circunstancianan aki el a exigi 3 luna di prison condicional cu tempo di prueba di 3 anja, ademas un bot di fls. 100.— of 40 dia eera.

Mr. van Koot a comparti e decision di fiscal y e tabata kier pa e famianan di e difunto mira cu acusado no tin falta pa leke a pasa. Esaki mirando declaracion di e dokter. Por a spera morto un momento pa otro maske cu no ta violencia. Su sentencia a cai conforme cu e demanda di fiscal. E acusado mes cu por a bai cas despues di e caso tabata lastra cu pianan pisa y tabatin mester di ayudo di des miembro di famia pa judete baha e trapi.

Te na e momento nan ey ainda e tabata completamente bau di impresion y un hende cu tabatin un dolor amarga na su corazon.

JUVENTUD CRISTIAN POR TRAHANAN PROPIO LUGAR

ORANJESTAD — Juventud Cristian muy probable ta cuminsa cu construcion di nan clubhuis den curso di otro luna y nan ta spera cu pa otro luna februari nan por celebra Carnaval bau di nan propio techo. Un di e ultimo pascen tumen pa hanja fondo tabata e feria cu recien a worde tene.

Un suma di fls. 20.836.58 tabata e produccion bruto durante e sheie dianan di feria, cu a hanja asistencia di 9000 hende.

Juventud Cristian awor mester kita suma di fls. 11.000.— di gasto for di e produccion asina cu ta resta un casi diez mil na ganashi. Principalmente e ultimo week-end, durante actuacion di Nestor Zavarce, e cantidad di bishitantenan tabata notable. Cuater mil cinco cien den diasabro cu diadomingo. Ainda tin premianon di porta cu no a worde busca.

Esun dia diasabro, un servies, a cai riba no. 330 (kuarchi color blanco y esun di diadomingo, tambe un servies, riba no. 849 (kaarchi berde).



Pelea di marinero

SAN NICOLAS. — Patras di Shanghai restaurant diahuebs anochi 10'or y 25 dos marinero a bati otro cu golpi. Un di nan H.M.G. a hanja un ora geskeer, y un bolobehchi riba cabez for di S. Naq a trasporte cu ambulance pa hospital. Recherche tin e caso den man.

Otro palo di luz a sufi

ORANJESTAD. — Un otro palo di luz canto di nos boulevard di palmas a worde parti den dos pa A-4849 mancha pa A.R. diahuebs atardi diesdos'or y 25. Esaki a socede nei dilanti Aruba Caribbean Hotel. Danjo na e auto ta fls. 1200.— y na e palo fls. 400.—

Tur dos tabata slinger

ORANJESTAD. — Diahuebs pa diesdos'or y binti cinco patrulla di stad a stop riba boulevard A-2441 di M.P. pa motibo cu e auto tabata slinger riba caminda. Causa di esaki tabata cu e chofer tabatin dos aden. E mesun caso aki a socode na Savaneta cuartio pa ocho nochi na unda nan a para A-4020 cu P.P. tras di wiel. E tambe a mira un poco diep den e kelki.

Cabez na sanger

SAN NICOLAS. — Na warda a presenta un tal I.M. cu un cabez sangrando. E tabata bau di influencia y no tabata por a duna un declaracion fijo. Polisnan despues di a hibe Lago hospital ta supone cu aki ta trata di un pleito den famia.

PELICULA TOCANTE CONTACT LENZEN

ORANJESTAD. — E firma optico Oduber-Kan N.V. lo pasa diamars awor anochi den Club Caribe un pelicula tocante contactlenzen.

E pelicula aki, cu na jull ya a worde pasa na Corsow, a worde poni disponibel pa un di e impresanan mas notabile di Merca. Obrig Laboratories. Oduber-Kan N.V. na principio di e anja aki a introduci contactlenzen (lensnan cu ta substitui un bril). For di e tempo ey e interes pa esaki a aumenta masha hopi. Interesadonan por pasa busca gratis, kaarchi di entrada na e negoshi.

„ONS ZEEWEZEN“ TOCANTE ANTILLAS

ORANJESTAD. — „Oms Zeewezen“, e organo di e Koninklijke Vereniging „Onze Vloot“ den luna di januari 1961 lo bin cu un edicion especialmente dedica na Antillas Hulandes. Asina nos a worde informa pa e secretario di e seccion Aruba, sr. J.A. van der Schoot, „Naturalmente“, asina el a agrega, „Aruba lo cubri un lugar importante den e reporiage aki.“

Raket di tipo „Atlas“ lanza pa forza aereo Mericano

CABO CANAVERAL, 16 sept. — Awe forza aereo mericano a lanza un raket di tipo Atlas cu exito. E tabata equipa cu un sortio nobo di nanishi, especialmente proyecta pa protega un carga atomico. E proyectil a alcanza e velocidad enorme di 27.000 kilometer pa ora, mientras cu el a ataca su doel cerca e isla Ascension, den Suratlantico. El a alcanza un destacion den menos cu 25 minuut. Avionnan y bapornan a cuminsa busca e nanishi inmediatamente.

Esaki ta e segundo experimento, cu a worde haci cu e tipo aki di nanishi di raket. E prome experimento a fracas a jera. E nanishi dje raket a worde traha door di General Electric, y por wanta un calor di 12.000 grado ora cu e regresa den atmosfera.

Posiblemente Nehru lo bai New York

LONDEN, 16 september. — Ta posible cu prome ministro Nehru di India lo bai New York pa atende e Asamblea General di Nacionnan Uni. Asina e ministro indio di defensa, Krishna Menon, kende ta dirigi e delegacion indio cerca Nacionnan Uni, a anuncia awe na su jega na New York. Sin embargo Menon no a menciona ningun fecha.

Menon a bisa tocante Congo, cu gobierno indio ta preocupa respecto e situacion actual aja. El a bisa, lam-

be cu India la desea liberad pa tur pueblo colonial. Menon a bisa cu la parce cu e guerra frio a bira peor, pero cu India ta kere cu Rusia no ta desea guerra.

E spionnan Mericano a horla documentonan

WASHINGTON, 15 september. — J. Vincent Burke, consehero huridico dje departamento mericano di defensa, a informa cu cierto documento skirbi cu man di e oficina mericano pa seguridad nacional, na unda Bernon Mitchell y William Martin tabata traha, prome cu nan a hui bai Rusia, a desaparece. Burke, kende a worde interroga pa un subcomision di Camara di Representanten, cu ta haci un investigacion, a bisa cu nada mas no a worde perdi despues dje desaparicion di Mitchell y Martin.

Burke a bisa tambe cu ningun dje informacion cu e dos hombernan lo por a duna e rusonan, lo no por perhudica e sistema di comunicacion secreto di Merca.

Eczema Itch Killed in 7 Minutes

Your skin has nearly 60 million tiny scales and pores where germs hide and cause terrible itching, cracking, eczema, freckles, burning, acne, pimples, foot itch and other blemishes. Ordinary treatments give only temporary relief because they do not kill the germ cause. The new discovery, Nixoderm, kills the germs in 7 minutes and is guaranteed to give you a soft, clear, attractive, smooth skin in one week, or money back on return of empty package. Get guaranteed Nixoderm from your chemist today and remove the real cause of skin trouble.

Nixoderm For Skin Troubles

Onze beste gelukwensen aan Elmar ter gelegenheid van haar tienjarig bestaan.

Aruba Trading Company

Koop NU een Transitone Aircro (gemaakt door Philco)

VOORDELEN:

- 1) Drie maanden gratis stroom
- 2) Gratis installatie tot een bedrag van fl. 50.—
- 3) Onze welbekende service, kwaliteit en garantie
- 4) In deze klasse de laagste prijs
- 5) De meest geruisloze onder de Aircro's
- 6) Een jaar gratis service
- 7) Vijf jaar garantie op compressor
- 8) Gemakkelijke betalingsvoorwaarden
- 9) Kans een Aircro te winnen.

BEL VANDAAG

Aruba Trading Company

OP TEL: 1930 — 2600 — 5122.

HBU HBU

Ook voor u: de HBU

HOLLANDSCHE BANK-UNIE N.V.

WILLEMSTAD • TELEFOON 11340
ORANJESTAD • TELEFOON 1200
SAN NICOLAS • TELEFOON 5090

VERWIJDER HET VET

Wanneer vet uw figuur ontsiert of u kortademig maakt en uw gezondheid in gevaar brengt zal het voor u gemakkelijk zijn een half pond per dag in gewicht te verminderen met de nieuwe Hollywood methode, reusamid Formide. Geen drastisch dieet of oefeningen. Volkomen ongevaarlijk. Vraag uw apotheker naar Formide en begin morgen met uw vermageringskuur.

YOUR BIGGEST BARGAIN IN COMFORT

CUSTOM Thinline AIR CONDITIONER

Distinctive Design Extra Features

- Easy-Action Rotary Controls
- Six Position Performance Select.
- Whisper-Quiet Operation
- Fresh Air and Exhaust Control
- Eight Individual Air Directors
- Automatic Temperature Control
- Re-usable Air Filter
- 5-Year Written Protection Plan

Flexibility of Installation

THROUGH-THE-WALL LOWER SASH SWING-AWAY

See Us For The Best Deal In Town

Wimco

Oranjestad - San Nicolas

FUTBOL FUTBOL FUTBOL

ARUBA VOETBAL BOND

ta' presenta

AWENOCII, 17 DI SEPTEMBER PA 7.30 'OR P.M.

den

WILHELMINA STADION SAN NICOLAAS JRS. vs. JONG ARUBA

(Hoofdklasse)

ENTRADA: Fl. 1.— Fl. 0.50

AWETARDI, PA 4.00 'OR P.M.

den

SPORT CENTRUM NOORD DE WEST vs. BRITANIA

(B-klasse)

ENTRADA: Fl. 0.— Fl. 0.50

DIADOMINGO, 18 DI SEPTEMBER PA 4.00 'OR P.M.

den

WILHELMINA STADION UNION vs. RIVERPLATE

(A-klasse)

ENTRADA: Fl. 0.50 Fl. 0.50

PA 4.00 'OR P.M.

den

SPORT CENTRUM NOORD TRAPPERS vs. BUBALI S.C.

(A-klasse)

ENTRADA: Fl. 0.50

DOS MUCHA CU UN KAARTJI

FUTBOL FUTBOL FUTBOL

Departement van Onderwijs

EXAMENS MACHINESCHRIJVEN EN STENOGRAFIE

(programma V.L.I.S.E.M.) te houden op Aruba op 1 oktober a.s.

Kandidaten dienen zich vóór 24 september a.s. schriftelijk op te geven bij het Departement van Onderwijs, Curacao, onder overlegging van een uittreksel uit het het geboortenregister of bewijs van inschrijving in het bevolkingsregister, vermelding van adres en gelijkijdige overmaking van het examen-geld ad Fl. 7.50 (herexamen f. 3.75).

DURANTE SEPT. — OKT. — NOV.

Carrier

la ofrece

su aire - acondicionadorman su aire - prijs hopi reduci.

Provecha e gran ocasion aki.

Jama na telefon (1878) of pasa cerca nos pa mas informacion.

N.V. ANTILLIAANSE MIJ. GEBR. VAN SWAAY

Fergusonstraat 41 - Dakota - Tel. 1878—1685

TRES LUNA DI CORRIENTE GRATIS

ADEMAS

Oportunidad di gana un AIRE-ACONDICIONADOR GRATIS

ELMAR

Esaki ta en conexio cu Decimo Aniversario di

Si durante e periode di 1 di September te 30 di November 1960 bo laga conecta uno of mas aire-acondicionador te un maximo di tres, bo ta hanja di Elmar TRES LUNA DI CORRIENTE GRATIS pa e aire-acondicionadorman aki. Tur dia, tres luna largo, te un maximo di 12 ora pa dia of sea 1.080 ora en total bo aire-acondicionador ta draai riba nos cuenta.

Ademas na e momento cu bo pidi un conexio bo ta hanja un tarjeta cu un numero. Na fin di cada di e tres lunanan aki tur e tarjetanan ta worde pone den un caha y for di nan un numero ta worde saca. E ganador of ganadora ta hanja di Elmar UN AIRE-ACONDICIONADOR DI REGALO (o sea balor di e aparato den cash). En total tin tres aire-acondicionador disponibel pa rifa.

E campanja aki ta solamente pa „Win-downtype“ aire-acondicionadorman te na un capacidat di 2 p.k. En caso cu bo tin un aire-acondicionador caba y bo pidi un conexio pa e di dos of tres aparato anto bo tambe ta participa den e campanja aki (y naturalmente na tambe tin oportunidat di gana un aire-acondicionador).

E campanja aki ta worde tene en conexio en decimo aniversario di ELMAR: 1950—1960.

Pa mas informacion yama tel. 2170

ESAKI NO TA NECESARIO MAS!!

pasobra AWOR bo por hanja aire fresco barafisimo!

YOU CAN BE SURE IT'S WESTINGHOUSE AIRCONDITIONER

Every Buyer of a WESTINGHOUSE AIRCO During SEPT.-NOV.

A Portable WASHING-MACHINE FREE

This of course only at NEME'S

Bachaquero campeon di Shell lo hunga na Aruba

(Di nos redactor Deportivo)

ORANJESTAD. — Segun nos a wordo informa lo bin nos isla otro siman, diavieles dia 23 e equipo di baseball AA Bachaquero for di Maricao, E equipo aki ta actualmente campeon di e torneo cu anualmente Shell ta organisa na Venezuela.

Bachaquero lo hunga dia 23 anochi contra di Marlboro, diasabra 24 contra di Nesbitt's y diadomingo contra di Heineken's.

E dos promer partidonan lo mester wordo hunga na Oranjestad den Wilhelminastadion debi na cu Lago Sport Park no por wordo usa e anochinan ey. Como cu tin e weganan di tennis di Althea Gibson y Karol Fageros dia 24 anochi na Lago Sport Park, e luznan di baseball ta wordo bira pa iluminacion e tenniscanchanan tambe.

E tercer weg cu lo ta contra di Heineken's si lo tuma luga den Lago

Sport Park. Hunto cu e equipo di baseball lo bin Aruba Profesor Garay, kende ta directer di 'Deportes pa Shell na Maricao.

Esaki mester wordo mira como un principio di intercambio deportivo cu Shell di Maricao.

SIGUIENDO E CAMPEONATO DI TENNIS

(Di nos redactor Deportivo)
Durante e siman aki cuatro partido porteciente na e campeonatonan masculino di singles a wordo hunga. Den clase A Stanley Schonfeldt a obtene un victoria riba Wagemaker den dos set sigi, cuanan a cabi 6-2 y 6-3. E otro tres partidonan ta penece na clase B.
Bernard Baptist a elimina P. Lo Fo Sang cu dos set 6-3 y 6-4.
R. Brown a gana A. Kock den e

promer set 6 pa 3, perde e segundo, pero bolbe a gana e tercer y e cuater cu score di 6 pa 3.
Freddy Ilapit a elimina Mateo Reyes pero tabata tin mester di tres set pa laci esey. Despues di perde e promer set 3 pa 6, Reyes ta reaciona y gana e segundo 6 pa 2.
Esun decisivo ta caba na favor di Baptist 6 pa 3 tambe y cu esey e maceh.

Partidonan pa awe y majan

Di e campeonato A kase ta hunga awe tardi: Abler Henriquez contra di Nel Harris. Cada uno tin un victoria te ainda. Tambe lo hunga di e kase aki Roro Hernandez contra F. Sampson, kendenan tambe tin un triunfo cada uno.

Majan atardi tin riba schedule Federico Penson contra Janny Brokke y Stanley Schonfeldt contra di Milton Henriquez.

Tanto awe como majan lo wordo hunga tambe dos partido di B-klasse.

SAN NICOLAS JRS CONTRA JONG ARUBA AWE NOCHI

(Di nos redactor Deportivo)
ORANJESTAD. — Los Blanquinos de San Nicolas lo enfrenta awe nochi e ocaena di Noord e veloz hobennan di Jong Aruba. Den e promer rond San Nicolas Jrs. a gana 2 pa 1.
Na half e scoreboard tabata marca 1 gol pa banda.

E muchanan di San Nicolas ta actuando malo den e segundo rond y den tres salida den e segundo parti di e campeonato a perde mes taeto wega. Esaki ta danya nan record di invicto di e promer rond hopi. Nan ta ocupando actualmete cu seis puesto number tres.

Aruba Jrs. cu ta number dos tin cuatro punto di ventaha ariba nan y e punteronan Estrella y R.C.A. ta hiba San Nicolas Jrs. un ventaha di cinco punto. Ta un ventaha cu no ta imposibel pa e ocaena di San Nicolas surpasa ya cu nan falta tres partido, esun di awe y dos contra di Dakota. Jong Aruba cu su cinco puntonan y dos wega pa completa ya no tin chens di keda den promer luga e anja aki mas. Pero nan ta den posicion di por stroba otro.

Y tambe awe nochi nan lo haci tur esfuerzo pa gana di e ocaena enfrente e promer rond pa asina nan alcha nan mes for di e ultimo puesto.

BO TA SUFRI HOPI DI
PICAZON DI PIEL?
NO RASCA BO PIEL. PURBA E REMEDI
SUAVISANTE AKI
Awor tin un azeta puro, penetrante, cu bo por hanja na tur botica pa un prijs masha barata, y cu ta trece alivio libe pa dolor y tormenio di enfermedadnan externo di piel.
E ACEITE ESMERALDA MOONE ta calma picazon y dolor.
ACEITE ESMERALDA!

MARLBORO VS. NESBITT SUSPENDI ATROBE

(Di nos redactor Deportivo)

ORANJESTAD. — E encuentro entre Nesbitt y Marlboro anucia pa diahuebs anochi atrobe a wordo suspendi. E motivo e biaha aki ta cu e tereno mester a wordo geschap y esey a tuma luga e dia ey.
Pa majan tin anucia e siguiente partidonan.

Den ora di mainta Santa Cruz Stars contra di Marlboro. Esaki lo ta di dos biaha cu nan ta topa. Den e pro-

mer ocasion Marlboro a gana cu anotacion di 7 pa 0.

E segundo encuentro di majan lo ta entre Heineken's y Nesbitt. Nan unico encuentro te ainda a caba den un victoria pa Heineken's cu score di 7 pa 3.

Pa diadumars dia 20 di september tin riba schedule e partido entre Nesbitt's y Marlboro, pero ya esaki a wordo suspendi en relacion cu e partido di futbol entre un seleccion di A.V.B. y Alajuela di Costa Rica. Ta di tres biaha cu e naranheronan di Nesbitt y e cigarilleronan di Marlboro no por topa.

CINCO Y SEIS

Nos pronostico di siman pasa no tabata asina malo. Den e promer careda nos "fija" Fore cu tabata e fja nacional a tuma e punta desde tempran, pero den e ultimo 500 meter Caliao a logra alcance pa yega cu poco diferencia dilanti Fore como ganador di e careda.

Den di dos careda nos linea "Trigeminio" a sali tuma e delantera pero cu esey el a cansa y duna Mi Carlo ocasion pa gana cu 2 1/2 cuerpo. Trigeminio a yega di tres tras di Repliqueito. Den e otro caredanan nos a pronostica tur e ganadornan cu tabata: Verdin, Llave 7 (Neto), Zarak y Morgan.

Nos dos combinacionnan cada uno a anota un cuadro cu 4 cabi. Asina mes cu gran favorito a perde e resultado tabata un mercado libre. Den e caredanan di e siman aki no tin careda largo. Tur careda ta conico, menos cu un milla. Den di 4 valida ta corre cabuinan criollo solamente cu ta penece den serie D. Y den di 5 valida nos tin e cabuinan di novena serie cu ta e animalnan di categoria mas abao cu tin y den e careda aki ta corre unicamente

jinetenan venezolano. Segun nos opinion e dos caredanan aki ta e dosnan di mas dificil e siman aki.

Nos ta duna atrobe nos dos combinacionnan mesos cu siman pasa. E promer ta di 3 cuadros cu un valor di Bs. 4.— cada uno y e otro combinacion ta di 6 cuadros tambe cu un valor di Bs. 4.— cada uno. Manera nos a splica siman pasa caba nos no ta traha combinacion di prijs habi, sino loque ta na alcance di un y tur.

Nos "fija" di e siman aki ta Nimbo II den e segunda valida.

Ata aki nos combinacion di tres cuadros.

Llave 9	Espacio	Atipay
Tanguito II	Mario	Ma Maison
Ma Maison	Tanguito II	Mario
Nimbo II	Nimbo II	Nimbo II
Llave 9	Llave 9	Llave 9
Marcelin	Zarak	Embeleco
Fore	Fore	Fore
Taquimetro	Taquimetro	Taquimetro

Nos combinacion di seis cuadros ta lo siguiente:

Llave 9	Espacio	Espacio	Llave 9	Atipay	Atipay
Tanguito II	Tanguito II	Ma Maison	Ma Maison	Pinkerton	Pinkerton
Mario	Mario	Farce	Farce	Nimbo II	Nimbo II
Nimbo II	Nimbo II	Nimbo II	Nimbo II	Nimbo II	Nimbo II
Llave 9	Llave 9	Llave 9	Llave 9	Llave 9	Llave 9
Marcelin	Zarak	Marcelin	Zarak	Embeleco	Gyere Gyuri
Fore	Fore	Fore	Fore	Fore	Fore
Taquimetro	Taquimetro	Taquimetro	Taquimetro	Taquimetro	Taquimetro

BON SUERTE PA TUR Y TE OTRO SIMAN.....

Cumpleanjos

Awe ta celebra su fecha natal e simpatica srta. Ehlida de Lange y ta ricibi felicitacion di su mama, tata, rumannan, eme y tantanan, prima y primonan, amiga y amigonan, nuy especialmente di su intima amiga Carmen Franken, y demas familia Franken.

Senjorita Cristina Kelly ta cumpli 15 anja y ta ricibi felicitacion di su mama, tata, tres rumannan Boy, Sjon Do, Ildo, tambe di Jana, Bita, Betty, Anna, Jenca especialmente di su enamorado Santiago Medina.

Sr. Joseph Geerman ta recorda su fecha natal y ta ricibi felicitacion di su esposa Antonia, jiuinan Esteban, Maka, Ninita, Rosa, Pedro, Lucia, Bernard y Rita, rumannan, sobrinanan, mama, 21 nietonan suera y suegros y demas familia Geerman. Boeboe y Rosa Marin, dos estimada nietonan Mingo y Orland o Marin, y demas familia Marin.

Sr. Lamberto Werleman ta celebra su cumpleanjos y ta ricibi felicitacion di su tata Jacinto, mama Josefina, rumannan, wela Nicasia, welonan Luis Nicasio, eme y tanta Aida y Angela, padrino Juan Maduro.

Ta celebra nan 12 anja di vida matrimonial Senjor Celestino y sra. Modesta Bello. Felicitacion ta bini den nan jiuinan Freddy, Roland, Marieta, Jim, suegra, suegro, wela Regina Maduro, rumannan Francisco, swa Calilo, Enrique, Jacinto, Esteban Bruno, Juan Emeraldito, Poy, Rey, Placida, Maxima Gela, Sofia Candi, Felequina, Lusila, Beto, Bernard, familia Bello, sobrina Gloria, Elvira, Elva, Ita, sobrino Maria, Pablo, Eddy, Franklin, Patricio, Oscar, Ramiro, Louis, Emeterio, amiga y amigo di Sport Boys.

E encantadora srta. Christina Siede ta celebra su feliz cumpleanjos y ta ricibi felicitacion di su mama, tata, rumannan, dos sobrinonan Michael y Monique Siede.

Ta celebra su feliz cumpleanjos senjorita Sita Loefstop y ta ricibi felicitacion di su tata Gregorio, mama Enriqueta, rumannan Maria, Canay, Dama, Chai, Mena, Inchi y Ethlin, sobrinanan Loegia y Willy Croes, cunan, primanan y familianan.

Senjora Hilda Halley ta celebra su feliz cumpleanjos y ta ricibi felicitacion di su estimado esposu Jules, jiu Ethlyn Halley, mama, tata, rumannan, Ennie, Doel y Frida Eversz y demas familia.

Agenda

ARUBAANSE COURANT

diariamente cu excepcion di diadomingo

Edita pa: N.V. ARUBAANSE DRUKKERIJ EN UITGEVERIJ, EN PUBLICITEITS MIJ. NASSAUSTRAT 85 - O'Slad, ARUBA N.A.

Suscripcion / 3.— paga adelanta Edicion suelo 20 ct.

Telefon: 1116 Directiva y anuncio 2116 Redaccion y suscripcion

Directeur-hoofredacteur: G.J. Staartjes

Imprenta na N.V. Drukkerij "De Stad"

WIT-GELE KRUIS

Zr. Jwilda - Zr. Perpetua. tel. 5200

BOTICANAN DI WARD

Oranjestad: BOTICA DEL PUEBLO tel. 1253

San Nicolas: BOTICA SAN LUCAS tel. 5119

CINE

DIASABRA
DE VEER 8.30 "Timbuktu" 13 J.
HALTO 8.00 "The Hard Man" 18 J.
PRINCIPAL 8.00 "The ten Commandments"

a.l.
AURORA 7.30 "Puerto de Furiar" 14 J.
SAVANETA 7.30 "Cell 2455, Death Row" 18 J.

DIADOMINGO

DE VEER 8.30 "Timbuktu" 13 J.

matinee 6.00 "The Big Circus" a.l.

HALTO 8.00 "The Hard Man" 18 J.

matinee 5.45 "Salchow the Great" a.l.

PRINCIPAL 8.00 "The ten Commandments"

matinee 3.00 "The ten Commandments" a.l.

AURORA 7.30 "Johnny Rocco" a.l.

matinee 6.00 "Saddle and Spurs" a.l.

SAVANETA 7.30 "A Tale of Two Cities"

a.l. matinee 6.30 "The Guns of Fort Petticoat" a.l.

POSTSLUITINGEN

Zaterdag

Curacao 8.30 & 16.00, EUROPA 15.30,

Miami 10.00 & 15.30, New York 10.00 & 15.30, Suriname 15.30, Caracas 15.30, Maracaibo 15.30.

ROOMS-KATHOLIEKE KERKDIENSTEN

Oranjestad: H. Franciscus Kerk: 8.00 a.m.

8.30 a.m. 7.30 a.m. (Kinderen) 8.30 a.m.

7.00 p.m.

San Nicolas: H. Theresia Kerk: 8.00 a.m.

8.15 a.m. 7.30 a.m. (Kinderen) 8.30 a.m.

5.00 p.m.

Sta. Cruz: Kerk v.d. Onbevleete Ontvangenis: 8.00 a.m.

8.15 a.m. 7.30 a.m. 7.30 a.m.

(Kinderen) 8.30 a.m.

Savaneta: Heilig Hart Kerk: 8.00 a.m.

7.15 a.m. (Kinderen) 8.00 a.m.

Padfader: St. Filomena Kerk: 8.00 a.m.

7.00 a.m. (Kinderen) 8.30 a.m.

Noord: Sta. Annakerk: 8.00 a.m.

8.30 a.m. 6.00 p.m.

Cura Cabai: Christus Koninkkerk: 8.00 a.m.

6.00 p.m.

Dakota: 6.00 a.m. 8.00 a.m. 7.00 p.m.

PROTESTANTSE KERKDIENSTEN

Oranjestad: 9.00 v.m. ds. Jakobs

Pladra: 9.00 v.m. Jeugdinst

San Nicolas: 5.30 n.m. ds. Visser

ESTRELLA TA BAI HUNGA

FUTBOL NA MARACAIBO

(Di nos redactor Deportivo)

ORANJESTAD. — Proximo week-

end lo bai hunga algun wega di futbol

na Maracaibo e ocaena di hoofdklasse

di Estrella. Dos partido tin senjala te

ainda pa e ocaena di Sta. Cruz.

Uno lo ta contra di e equipo To-

rino y e otro contra di un seleccion

di Shell. Utilizando e mes avion cu

ta trece e hungador di baseball di e

equipo Bachaquero, e ocaena di Es-

trella lo viaha pa Maracaibo.

Gas den Stoma ta Peligroso

Busca un caha di NEUTRACID na bo

botica y despues di cada cuminda, disol-

ve un cucharadita den mitar glas di awa.

Esaki lo neutraliza e exceso di gas y

evita cu e ta forma sin molestia na

forma algun NEUTRACID ta cosa poco

y e ta obtenible na tur botica. Hopi

persona ta use y awor nan por goza di

nan cuminda.

La masha agradable ora bo bebe

NEUTRACID

MUEBLES

HEYER

MOZARTSTR. 2 - TEL. 2557

TA BENDE OF TA HUUR

UN CAS

na Bernhardstraat 155

Y

UN CAS DI NEGOSHI

na Doornstraat 2.

Tanto pa benta como pa

huur e prijs ta masha

barata.

Pa mihor informacion acudi na

Doornstraat 2.

E TABATA SINTI HOPI

DEBILIDAD DESPUES

DI E ENFERMEDAD

Su sanger tabata tin mester

di forza

FERRIZAN

CUMINZA

BEBE

AWE MES

(E ta sigui)

ONMISBAAR IN UW HANDTASJE, MEVROUW,
de
STEP
atomizer uit Parijs
Heerlijk - gemakkelijk - fraai - modieus
Aruba Trading Company
Oranjestad - San Nicolas

STENO - TYPISTE
GEVRAAGD
voor handelskantoor in Oranjestad.
Moet beslist vlug, correct en goed in het Nederlands
en Engels kunnen opnemen en uitwerken.
Goede salariering, prettige werkkring.
Brieven onder letters M.C. bureau "Arubaanse Courant",
Nassaustraat 85, Oranjestad.

De hagelwitte as van 'n Ritmeester...
Maar de as vertelt u niet alles.
'n Ritmeester moet u roken!
Steek zo'n geurige Fiat op en u
weet wat 'n Ritmeester geeft!
FIAT
elk Ritmeester merk een meesterwerk
Importrice:
E. & G. MARTIJN (ARUBA) LTD. Tel. 1492-1493

PA KITA CANSANCIO
OVALTINE

Un Solicitud Matrimonial
pa TUYUCHI
No. 3
Awor den un cantidad di pleitu y zundamentu e dos hobenan aqui a biva otro loque uno quier a tende y loque e otro no quier a tende. Tabata un sorto di solicitud matrimonial manera obliga. Y cu tur su inteligencia cu e tabatin na su disposicion e conde a muestra Isabella su opinion francamente.
Awor Isabella a tuma un resolucion severo, pasobra e tabata mira cu no tabata convence e homber aqui di su decision y a bisa na boz altu:
„Maske quico cu bo bisa, papia, suplica of roga, tur ta trahao poma-da, pasobra e asunto ta di tal manera, Sherry, cu nos dos na ta jama pa bira un paar. Naturalmente mi ta sinti

„Esaki ta mas tantu cu mi por soportar. Esaki si ta colmo di tur loque mi por a calcula. Ta quende, por a haci tantu redu asina riba mi”.
„Ningun hende no a haci ningun sorto di redu. Pero ta duel mi di mester bisa bo cu bo comportacion ta un secreto publico. Y un cos mi quier bisa bo. Sherry, si en realidad bo tin algu di aprecio den mi, anto trata na haci mi un gran favor”.
„Trata na haci bo un gran favor! Mi... querida Bella. Esaki si ta bunita. Qui ora cu mi mester corda. Si mi mester corda cu mi mester a sigui bo instruccionnan; nochinan tras nochi mi mester a perde mi oranan liber pa biba bo salonan di baile di Almack”.
„Si y bo tabata hiba y bai lihe trobe pasobra bo mester a bai hishita bo muchanan caminda nan ta hunga plaen”. Isabella a interrumpie.
E conde a ruboriza, pero cu wowonan cu tabata saca chispa di furia el a bisa grunjando:
„Y quico abo sa di muchanan di wega di plaen, mlayndy?”
„Gracias a Dios cu mi por bisa bo cu mi no sa nada di nan, sino solamente cu qui ora cu un hende tin

mester di ho ta aya e por hanja bo. Ta un cos cu generalmente tur hende sa esey. Esai ta ofende mi mas tantu cu mi por bisa bo”.
„Oh si?” e conde a bisa, nada agradeido pa precaucion di su reputacion.
„Si!” Isabella a responde. El a hiza su wowonan bunita pa e lord y a continuat:
„Quizas lo mi no tin derecho di papia cu bo riba esey, pero como nos tabata conoer y biciaja di otro foi chequitu, mi mester bisa bo cu franqueza, cu b'a proba di ta posee un caracter asina inconstante. Sherry y bo tin asina poco principio y tur e secinan ta imposibilita mi di duna bo mi palabra di aprobacion. Mi no quier ofende bo, ni insulta bo; pero e comibito cu cual actualmente bo ta anda, ambicion di wega, bo comportacion infrenable y liviano, ta origen cu ningun mucha muhe decente y huicioso cu majornan serio lo ofrese bo nan man”.
„Pero Bella!” e conde a protesta horroriza. „Mi ei, lo mi cambia mi manera di bida enteramente. Lo mi bira pa ho un esposo ehemplar. Mi ta

hura bo... cu nunca mi no a sinti nada pa ningun otro mucha muhe...”.
„Bo n' sinti nada pa ningun otro mucha muhe?... Foei, ta com bo por risca bisa mi esei asina den mi cara. Sherry, Mi a mira bo personalmente cu mi mes wowonan den Vauv-hall, Park huntu cu e muhe di mas ordinario...”.
„Wel si. Pero ta quende lo bai casa cu semchante muhenan asina”, e conde a bisa pura.
„Entre mi cu e muhe cu no tabatin absolutamente nada. Si n' ta bo a haci mi asina locamente infeliz...”.
„Stop cu bo kletsmentu homber”, miss Milborne a grito.
„Mi ta segura bo; mi ta stima bo eiegemente, di enter mi euron. Enter mi bida ta ruina si bo no quier casa cu mi”.
„Tan lihe esei lo no tuma luga. Lo bo por sigui facilmente cu bo wega di plaen, bo pustamento di cabai, bo paranda y...”.
„Awor bo ta equivocato bo, pasobra lo mi no por haci esinan mas. Tanten cu mi no casa, mi no tin ni un cent mas pa mi dispidi”.
(E ta sigui)

E participacion rudo aqui falta poco a pone e mucha muhe paraliza di horror. Y furioso el a grito:
„Quico bo di. Anto mi mester conclui foi esei cu bo ta forza na haci e solicitud aqui di matrimonio cerca mi pa bo salba dje manera ei di bo debenan?”
„No, no! Naturalmente cu no! Si t'esai tabata e unico motibu, anto lo mi por a solicita un fila di otro mucha muhe caba”, el a declara franco.
„E asunto t'asina; eu te awor ningun otro mucha muhe cu excepcion di bo, no a atrae mi. No ta existi ningun otro muhe na quende mi quier decida mi bida manera na bo. Mi quier a haci un huramentu riba esei. Si bo ta desea bo por puntra Gil. Ferdi of George. Puntra na quende otro cu bo quier y nan tur lo bisa bo mescos”.
„Mi no ta sinti ningun necesidad di bai puntra ningun di nan. Pero mi ta acepta cu hamas lo bo a puntra pa casa cu mi, si no ta hao dje condicion ei ho tata a muri larga bo fortuna pa bo”.
(E ta sigui)

CISCO KID

1. „D-Duke... bo... ta bipo? „Nan ta quere cu mi ta morto...“ 2. „Pero e regalo aki no ta di un fantasma!“ 3. „Bo dedenan ta frio!“ „Man frio, corazon ardiente, manera nan sa bisa...“



JUAN EL INTREPIDO

1. „Coriente fuerte! Quita for di e barancanan si no nos ta perde!“ 2. „E cabaynan ta spanta! Si nan los lo nan quibran tur cos...“ 3. „Queto, bestianan! Sooo! Sooo!“



DICK TRACY

1. „E no a bisa nada“. „Oh, ta awor mi ta corda — e tin laryngitis“. 2. „Sorry, tanta Mafía. E mucha ta bon. Nos lo jega dentro di un ora“. 3. Dos minuut despues. „Ha-lo, Spots — e la caba di jama. Nan ta binicando aki cu e mucha. Un cos si e no ta papia si no solamente Hawaiian. 4. „Tene bo na e maleza di garganta! No papia — solamente sacudi eabez“. „Solamente sacudi eabez y sonrei y hari y fluit. Ora e mucha haci pregunta, sunche“.



RIP KIRBY

1. „Mi a seucha e kanarie ora e la jama polis. Nan ta bini awenochi!“ „E porta! Ningun hende no ta vigile!“ 2. Pero Hoyt ya ta hay pa e entrada secreta... 3. „Esey ta un teniente di polis cu jama Hoyt...“



EL PRECIO DEL TRIUNFO

1. „Quico a pasa. Chapek? Eddy ta aki?“ „No, e la sali cu Mimi Atwell... pero ya tin algun dia cu e ta masha nervioso...“ 2. „Desde cu un hombre a jama na telefon bisando e cu lo e pone \$5000 na mi nomber na banco, si Eddy bay na su Universidad!“ „Bryan Atwell?“ 3. „No, un otro! E ofertanan aki ta haciendo e mucha loco... y mi a contribui na esey bisando e mi sospechando di e mucha muher Atwell!“ 4. Na e momento ey... „Bo no ta nianca costumber, Eddy... quico a pasa?“ „Mimi, mi ta quere cu lo ta mehor si mi hiba bo bo cas!“



EL DIARIO DE UNA VIDA

1. „Papa! Mi por sabi quico bo ta haciendo ey for?“ „Eh? Oh... ta parece cu tin un hende ta canta den garage...“ 2. „Y quico e tabata canta?“ „Mi ta quere algo manera un cancion di amor...“ 3. „Di amor! Y Julieta!“



PEPITA

1. „Mi ta stima bo y lo mi haci tur cos pa bo, querido“. 2. „Mi tambe ta stima bo y lo mi haci tur cos pa bo, querida“. 3. „Si? Limpia e zolder pa mi anto!“ 4. „Ta interesante mira con ta logra haci nan quier!“



Expresion di Wilcox den su discurso radial

WASHINGTON, 16 september. — E subministro mericano di asuntunan exterior, Wilcox, a bisa den un discurso radial, cu e ta di opinion cu no tin motibu pa larga Krutshof tene un discurso, afor di Manhattan, durante su bishita na New York. Sin embargo State Department lo studia un tal peticion si e worde haci. Wilcox a bisa cu ta necesario pa motibunan di seguridad, pa limita Krutshof su bishita na New York, te na Manhattan.

Debate di Consejo di Seguridad a continua atardi

NEW YORK, 16 september. — Awe tardi Consejo di Seguridad a sigui discuti e debate tocante e crisis congolense.

A worde informa, cu Tunesia y Ceylon ta formulando un proposicion di compromiso entre e resolucion mericano pa ayuda financiero na Congo y e contraresolucion di Rusia tocante dunamento di retiro na e comandante di soldadnan di Nacionnan Uni.

Miembronan nobo di Nacionnan Uni

NEW YORK, 16 sept. — Diamars 12 estado africano nobo y Republica Cyprus lo bira miembro di Nacionnan Uni. E Republica Congo (ex-Congo Belga, e ex-Federacion Mali) y e Republica Senegal mester warda te cu nan solucionan nan dificultadnan constitucional, prome cu nan por bira miembro. E 12 republican nobo africano ta: Togok, Camerun, Somali (ex-italiano), Madagascar, Dahomey, Niger, Opper-Volta, Costa di Ivoir, Ghana, Congo (ex-frances), e Republica Africano Central y Gabon.

HOROSCOOP

ARIESNAN
11 Maart — 21 April



Un aspecto di Solo Jupiter ta haci necesario pa bo haci percuracion pa bo salud.

TAURISNAN
21 April — 21 Mei



Lo bo tin exito si bo logra na haci bo mes comprendible den bo ambiente y cerca famianan.

GERMINANAN
22 Mei — 21 Juni



Ta manera cu bo ta spera riba tranquilidad. Pero tin un cos cu bo ta pensa na termina cune.

CANCERNAN
22 Juni — 23 Juli



Un aspecto cuadra di Solo Jupiter ta duna facilmente motibu pa un problema financiero.

LEONAN
24 Juli — 23 Augustus




Un aspecto di cuadra Solo Jupiter no ta mucho favorable pa interesnan personal.

VIRGONAN
24 Augustus — 23 September



Pasa bo weekend cu un calma expansion na cas y cu amigunan quende su amistad bo ta gusta.

LIBRANAN
24 September — 23 October



Awe no ta un dia pa tuma riesgo. Queda leu for hendenan fastioso, y hendenan nervioso.

SCORPIONAN
24 October — 22 November



Traha pa bo haci di e weekend aqul un dia di sosiego completo. No nabega riba e dia aqul.

SAGITARIUSNAN
23 November — 21 December



Tene bo planan di weekend mas simple posible. Trata na alcanza bo intento tempran, mas laat bo tin menos chens.

CAPRICORNUSNAN
22 December — 20 Januari



Ta mehor di no traha ningun plan di viaje pa e weekend aqul. Si bo mester ha e viaje, tene masha cuidao.

ACUARIUSNAN
21 Januari — 19 Februari



Queda den cercania di bo base firme. No des-cuida tareanan cu ta merece bo atencion.

PISCES
20 Februari — 20 Maart



No muestra mucho confianza den romantico. Anda cu esei segun tempo ta bai.

...e werelds modernste jet voor onze vooruitstrevende luchtvaartmaatschappij...

De KLM presenteert:



De Intercontinentale DC-8 Jet

Europa komt nog dichterbij...

Nu in 16 uur naar Amsterdam met de grote Intercontinentale KLM DC-8 Jet New York—Amsterdam, in aansluiting op de snelle moderne DC-7C uit Curaçao/Aruba.

Vanaf April rechtstreeks Curaçao/Amsterdam. De vlucht naar Europa een kwestie van één soepele „reuzenstap“ van slechts 14 uren...

het allernieuwste jet-type
trillingvrij, praktisch geluidloos
geen tijdrovende tussenlandingen
80% sneller dan conventionele vliegtuigen

Vlieg per KLM -
de vooruitstrevende
luchtvaartmaatschappij!



TARIEF
Van Curaçao en Aruba naar Amsterdam.

EERSTE KLASSE
Retour \$ 1125,— NAF. 2160,—
TOERISTEN/ECONOMY KLASSE
Retour \$ 792.20 NAF. 1522,—

Ter voorkoming van rimpels in het voorhoofd. Ter bestrijding van „kraaienpootjes“ bij de ogen en van de „jaarringen“ in Uw hals.



DAT KAN PLACENTUBEX
PLACENTUBEX doet rimpeltjes verdwijnen. En: hoe minder rimpels, hoe jonger het gezicht. PLACENTUBEX is in staat om jaren jonger te maken — vaak vele jaren — reeds na enkele weken. Levensbevattende elementen van de natuur werken in PLACENTUBEX samen met de gepatenteerde basis. Zij werken op drijvende wijze de huid wordt gespannen, haar vochtgehalte wordt geregeeld, de zuurstofopname van de huidcellen wordt verhoogd. De huid wordt van binnenuit jong. Ja, PLACENTUBEX werkt op een wijze, zoals ontebare vrouwen dagelijks ondervinden: De huid wordt een hilt toerzoeppen — men voelt de rimpels verdwijnen. Het is alsof onzichtbare handen de huid liefdevol gladtrijken.

Placentubex
verjongt en spant de huid

MERZ & CO. Frankfurt/Main — Berlijn — Zurich.

Verkrijgbaar op Curaçao in alle botica's, betere zaken en Supermarkts, Op Aruba: Aruba Trading Co., Oranjestad en St. Nicolaas en in alle botica's.